

# Kiang Sawg Ka Paox Kiang

A mouse looking for friends



Wa, Parauk



Kiang Sawg Ka Paox Kiang  
A mouse looking for friends

Cao tiem lih : Sam Lao  
Cao Pawd Riieng : Yex Ka Lin  
Lox Lai Shiao : Lai Vax  
Bawg Plih Lih : Bawg (2)  
Khix Num : 4/2011

Author : Sam Lao  
Illustrator : Yex Ka Lin  
Language : Wa  
Edition : Second Print  
Date : April/2011

Wa, Parauk  
Myanmar

Copyright © 2021, Literature Department Of WBC, SIL

For permission to reuse, contact the copyright holder.



Didix koe simiang haktiex meung ot  
kiang ka piang haktiex in heue. Simiang an  
sidaing moh ka kawn rai pui sin tix. Awm an  
pui sin nawh kawx sidaing nabyam yungyi ka  
nawh. Mai nawh koe kawn bun pa sidaing  
mhawm grang tix kaux heue.



Tix ngaix simiang kiang hu lailing ti jhak haktiex dee ot kawn rai pui sin tix heue. Nawh sipub ka miex kiang mai kawn kiang daux krax heue. Miex kiang an yiem mai ah nin, “Teem yix liak . . sua caox hoik giex pah ti ih keeing kawn nyawm inkix, yam hu sawg nawh yix ih priex daux tiag. Keeing eue Siyiex eue teem coi ka yix liak ci: ci: ci: ci:....”



Simiang yaox ka grawng an, ang lai nyawm rhawm kah. Mawh kheu nan nawh tom tawx pui lien tix hu jiang hu pau ka pui caox khankix, son ang lai baox pah ka kix heue. Simiang sawm ang laig, it ang laig, kawn bun nawh tom chawk ka nawh, "Keeing eue, maix laux rhawm ka jao patix? Tawx aux tawng liak, aux sang chix teem ka maix lie?" Nawh tom ah nin "Kawn bun eue, ka ang aux nyang glip ngai grai lox, aux simie tix tawx maix koe nyiex ma mai pui pa ting riang khaing paox tix kadaux pui ceu ex ."



Viang mawh kawx nan kawm bun nawh ang khaw rhawm tix sang teei ka pui ceu kix heue. Nawh tom rawg ti sang sawg kadaux pui tang ceu heue. Khaix an nawh tom hu ka cao jhai mai chawk ah nin. "Pui mawx pa ting riang khaing paox tix ka piang haktiex in lie?" Cao jhai ah "Kawn sibun siming haktiex eue... phan mawh pa tawng aux kapiang haktiex in mawh singaix pa jhan riang kapiang ex pa ting riang khaing paox tix heue."






Khaix an kawn sibun simiang hu ka singaix mai chawk ah nin, "Maix mawh pa ting riang khaing paox tix kapiang haktiex in ang mawh lie?" Singaix deeh ah nin, "Oh..! pa ting riang khaing aux kawn koe. Phan nawh tie ngai aux, aux ang lai chix yaox titix kapiang haktiex heue. Kaw pa ting riang an mawh paiawm heue."



Khaix an nawh baux hu ka paiawm "Maix mawh pa ting riang khaing paox tix kapiang haktiex ang mawh lie?" ah nan heue. Paiawm deeh ah nin, "Oh! ang mawh aux, pa ting riang khaing aux kawn koe, phan nawh phlu yix, yix ang yaox ti laux tix. Tivud nawh tawx yix hu piang gawng, tivud tawx yix hu daux klawng daux ngawd. Bawg blah nawh tawx yix sigawp gut kapiang paox tix. Paox yix tix blah ang pon kham sidah yix ngah paox tix ka kraung naing ngu sah bung bang bung bang ah nan. Tix blah man neem tix kapiang kawn pui tom lih mawh rawm lhiex. Mawh kheu nan maix hu ka kaw pa ting riang an, nawh mawh bhaung heue."




Khaix an kawn sibun simiang tom baox hu ka bhaung mai chawk ka nawh "Maix mawh pa ting riang khaing paox tix kapiang haktiex ang mawh lie?" Bhaung deeh ah "Oh. . ! ang mawh, pa nie lheu ting riang khaing aux, mawh gawng ting khankix. Phan nawh tiebtie kadaux krax hu aux, aux ang lai pon to pon hu, chix kieh aux die riang kah, mawh kheu nan maix hu ka gawng awx." ka kawn sibun simiang heue.



Khaix an kawn sibun simiang baox hu  
chawk ka gawng awm lox pa hoik krai paiawm  
heue. Gawng ah nin ka nawh "Aux ang mawh  
pa ting ring, pa ting riang khaing aux mawh  
moi. Phan nawh teed ka aux, aux tag sang  
bhieh awm lih raog nan. Mawh kheu nan maix  
hu ka moi awx."



Khaix an nawh baox hu ka moi mai chawk nawh awm phaox ka. "Moi eue maix mawh pa ting riang khaing paox tix kapiang haktiex ang mawh lie? Maix paw pie ka aux liak." Moi pawk lox nawh mai ah nin, "Aux ang ting riang awm maox, phan nawh tuk aux hu yuh kaing mai kawn pui aux yaox tix yuh. Bawg blah nawh phyawk aux ot mai num khaox leeing singaix kawx aux yaox ti ot heue. Mawh kheu nan maix hu ka maox awx."



Khaix an kawn sibun simiang baox hu ka maox, mai maox baox ah nin ka nawh "Pa ting riang khaing aux mawh kiang heue. Phan nawh kiied aux tat aux dud, aux ang lai chix yuh titix mawh kheu nan maix hu ka nawh awx."



Dee sidah nawh deeh hu ka paox kiang tix, nawh deeh ka kaw pa khaw rhawm keeing nawh khaix heue. Yam hoek nawh simiang tom tawx lox hu kudah kudee son sang hoek ih kapaox kawn sibun nawh heue. Mawh kheu mawh gum lox simiang, pui tix kaux kawx ang kan thiang ka lox nawh heue. Viang praix faik kawx, kix yaox ti hu sawg priex pa mawh plix khaox taux lhax son pui kapaox heue. Jah yam an kiang tom yaox ti hu sawg ti ih priex yam faik praix tom hoek singaix in heue.







